

ხელშეკრულება №1/18
საქონლის სახელმწიფო შესყიდვის შესახებ

ქ. თბილისი

15 იანვარი 2020წ.

ერთის მხრივ თბილისის სახელმწიფო სამედიცინო უნივერსიტეტი, მდებარე: ქ. თბილისი, ვაჟა ფშაველას გამზ. №33 (შემდგომში, „შემსყიდველი“), წარმოდგენილი კანცლერის, ზურაბ ორჯონიკიძის სახით და მეორეს მხრივ ი/მ ივანე მკერვალიშვილი, მის: ქ. თბილისი, გლდანი-ნამალაძევის რაიონი, საჭილაოს ქ. N51 (შემდგომში, „მიმწოდებელი“), ვხელმძღვანელობთ რა საქართველოში მოქმედი კანონმდებლობით, შემსყიდველის მიერ ჩატარებული ელექტრონული ტენდერის (NAT190021196) საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

1.1 შესყიდვის ობიექტია: სამშენებლო მასალები და დამხმარე სამშენებლო მასალები (CPV 44110000) დანართი N1-ის (დანართი N1 წარმოადგენს წინამდებარე ხელშეკრულების განუყოფელ ნაწილს) შესაბამისად.

2. ხელშეკრულების ჯამური ღირებულება

2.1 ხელშეკრულების ჯამური ღირებულება შეადგენს 16370 (თექვსმეტიათასსამასამოცდაათი) ლარს.
2.2 ხელშეკრულების ჯამური ღირებულება მოიცავს მოქმედი კანონმდებლობით განსაზღვრულ ყველა გადასახადს.

3. შესყიდვის ობიექტის მიწოდების ვადები, ადგილი და პირობები

3.1 მიმწოდებელმა უნდა უზრუნველყოს შესყიდვის ობიექტის მიწოდება ხელშეკრულების ძალაში შესვლის დღიდან ეტაპობრივად, შემსყიდველის მოთხოვნის შესაბამისად (მოთხოვნიდან არაუმეტეს 5 (ხუთი) სამუშაო დღის ვადაში) 2020 წლის 29 თებერვლის ჩათვლით.

3.2 მიმწოდებელმა უნდა უზრუნველყოს შესყიდვის ობიექტის მიწოდება, ჩამოტვირთვა და მითითებულ სასაწყობო ფართობში დასაწყობება საკუთარი ხარჯით და მუშა ხელით დანართ N1-ში მოცემული რაოდენობებისა და სტრუქტურული ერთეულების შესაბამისად შემდეგ მისამართებზე:

- თბილისის სახელმწიფო სამედიცინო უნივერსიტეტი, მის: ვაჟა ფშაველას გამზირი N33;
- თსსუ-ს აპ. ურუშაძის სახელობის სტომატოლოგიური კლინიკა, მის: დ. აღმაშენებლის გამზირი N126;
- თსსუ-ს იოველ ქუთათელაძის ფარმაცოქიმიის ინსტიტუტი; მის: ქ. თბილისი, პ. სარაჯიშვილის ქუჩა N36;
- თსსუ-ს გ. ჟვანიას სახელობის პედიატრიის აკადემიური კლინიკა; მის: ქ. თბილისი, ლუბლიანას ქუჩა N33;
- თსსუ-ს პირველ საუნივერსიტეტო კლინიკა, მის: ქ. თბილისი, გუდამაყრის ქუჩა N4.

4. ხელშეკრულების მოქმედების ვადა

4.1 ხელშეკრულება ძალაში შედის 2020 წლის 15 იანვრიდან და მოქმედებს 2020 წლის 31 დეკემბრის ჩათვლით, ხელშეკრულებით გათვალისწინებული ვალდებულებების სრულ და ჯეროვან შესრულებამდე.

5. ხელშეკრულების კონტროლის პირობები

5.1 „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

5.2 ხელშეკრულების კონტროლს, შემსყიდველის მხრიდან განახორციელებს, თსსუ-ს პირველ საუნივერსიტეტო კლინიკის ინფრასტრუქტურის სამსახურის უფროსი, თსსუ-ს კანცლერის 2018 წლის 20 მარტის N77/02 ბრძანებით, თსსუ-ს კანცლერის 2018 წლის 13 აპრილის N120/02 ბრძანებით, თსსუ-ს კანცლერის 2018 წლის 12 აპრილის N113/02 ბრძანებით და თსსუ-ს გ. ჟვანიას სახელობის პედიატრიის აკადემიური კლინიკის გენერალური დირექტორის 2015 წლის 18 მაისის N01/49

ბრძანებით შექმნილი კონტროლის განმახორციელებელი ჯგუფები, მათი უფლებამოსილებების ფარგლებში.

5.3 შემოწმების შედეგად გამოვლენილი ნებისმიერი ნაკლის შესახებ „შემსყიდველი“ ვალდებულია დაუყოვნებლივ აცნობოს „მიმწოდებელს“. შეტყობინება შეიძლება განხორციელდეს, როგორც ზეპირად, ასევე წერილობით. სატელეფონო შეტყობინების შემთხვევაში, „შემსყიდველი“ ვალდებულია ზეპირი შეტყობინებიდან არაუმეტეს 3 (სამი) სამუშაო დღის ვადისა, წერილობით აცნობოს „მიმწოდებელს“ შესყიდვის ობიექტის ნაკლის შესახებ.

5.4 გამოვლენილი დეფექტის ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის შესახებ მიღება-ჩაბარების აქტი ფორმდება ფაქტიურად მიწოდებული საქონლის დამადასტურებელი დოკუმენტის – სასაქონლო ზედნადებისა და თსსუ-ს კანცლერის 2018 წლის 20 მარტის N77/02 ბრძანებით, თსსუ-ს კანცლერის 2018 წლის 13 აპრილის N120/02 ბრძანებით, თსსუ-ს კანცლერის 2018 წლის 12 აპრილის N113/02 ბრძანებით და თსსუ-ს გ. ჟვანიას სახელობის პედიატრიის აკადემიური კლინიკის გენერალური დირექტორის 2015 წლის 18 მაისის N01/49 ბრძანებით შექმნილი კონტროლის განმახორციელებელი ჯგუფების და თსსუ-ს პირველ საუნივერსიტეტო კლინიკის ინფრასტრუქტურის სამსახურის უფროსის დასკვნების საფუძველზე.

7. ხელშეკრულების ობიექტის ხარისხი

7.1 მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

7.2 შესყიდვის ობიექტის ხარისხი უნდა შეესაბამებოდეს შემსყიდველის მიერ განსაზღვრულ მოთხოვნებს.

7.3 ხელშეკრულების მოქმედების ვადაში „შემსყიდველი“ ვალდებულია, დაუყოვნებლივ აცნობოს „მიმწოდებელს“ ხარვეზის აღმოჩენის შესახებ, ხელშეკრულების 5.3 პუნქტით განსაზღვრული წესით.

7.4 შეტყობინების მიღების შემდეგ, „მიმწოდებელი“ ვალდებულია მნიშვნელოვანი დაზიანების, ხარვეზების გამოვლენის შემთხვევაში, საკუთარი ხარჯებით უზრუნველყოს საქონელზე გამოვლენილი ნაკლის აღმოფხვრა (საჭიროების შემთხვევაში ახლით შეცვლა), შეტყობინებიდან 5 (ხუთი) სამუშაო დღის ვადაში. მიმწოდებელს დაეკისრება, როგორც ხელშეკრულების ობიექტის ხარვეზების აღმოფხვრა, ასევე აღნიშნული ხარვეზების შედეგად შემსყიდველისა და მესამე პირებისთვის მიყენებული ზიანის ანაზღაურება.

7.5 თუ „მიმწოდებელი“, ხარვეზის აღმოფხვრასთან დაკავშირებით მიღებული შეტყობინების შემდეგ, არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული ხარვეზების გამოსწორება.

8. ანგარიშსწორების ფორმა, გრაფიკი (ვადები)

8.1 „მიმწოდებელთან“ ანგარიშსწორება განხორციელდება ლარში.

8.2 შესყიდვის ობიექტის ღირებულების ანაზღაურება მოხდება უნაღდო ანგარიშსწორებით.

8.3 წინასწარი ანგარიშსწორება გათვალისწინებული არ არის.

8.4 ანგარიშსწორება განხორციელდება ეტაპობრივად, ყოველ ეტაპზე მიმწოდებლის მიერ ფაქტიურად მიწოდებული შესყიდვის ობიექტის შესახებ გაფორმებული მიღება-ჩაბარების აქტის გაფორმების თარიღიდან - არაუგვიანეს 10 (ათი) სამუშაო დღის ვადაში. იმ შემთხვევაში, თუ მიმწოდებელი დღგ-ს გადამხდელია, ანგარიშსწორება განხორციელდება შემსყიდველის მიერ საგადასახადო ანგარიშ-ფაქტურის დადასტურების დღიდან - არაუგვიანეს 10 (ათი) სამუშაო დღის ვადაში.

8.5 იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.

9. მხარეთა უფლება-მოვალეობანი

9.1 „შემსყიდველს“ უფლება აქვს:

- შეამოწმოს მიწოდებული შესყიდვის ობიექტის შესაბამისობა ხელშეკრულებით გათვალისწინებულ პირობებთან.

- განახორციელოს კონტროლი და ზედამხედველობა, მიმწოდებლის მიერ, ხელშეკრულების პირობების დაცვაზე.
 - უარი თქვას უხარისხო შესყიდვის ობიექტის მიღებაზე.
- 9.2 „შემსყიდველი“ ვალდებულია:
- წერილობით აცნობოს „მიმწოდებელს“ შესყიდვის ობიექტის მიწოდებასთან დაკავშირებული ყველა განსაკუთრებული გარემოების შესახებ.
 - მოახდინოს ანგარიშსწორება „მიმწოდებელთან“, ხელშეკრულებით გათვალისწინებული პირობების შესაბამისად;
 - დაიცვას ხელშეკრულებით გათვალისწინებული ყველა პირობა.
- 9.3 „მიმწოდებელს“ უფლება აქვს:
- მოსთხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება, ხელშეკრულებით გათვალისწინებული პირობებით.
- 9.4 „მიმწოდებელი“ ვალდებულია:
- გააფრთხილოს „შემსყიდველი“ შესყიდვის ობიექტის მიწოდების პროცესში შეფერხების შესახებ.
 - დაიცვას ხელშეკრულებით გათვალისწინებული ყველა პირობა.

10. მხარეთა პასუხისმგებლობა ხელშეკრულების დარღვევისას

- 10.1 მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას, მოქმედი კანონმდებლობის შესაბამისად.
- 10.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა, ვალდებულების შესრულებისთვის მის მიერ დამატებით განსაზღვრული ვადის უშუალოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე, შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 10.3 ხელშეკრულებიდან გასვლისას, მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.
- 10.4 ხელშეკრულებიდან გასვლასთან და ზიანის ანაზღაურებასთან დაკავშირებით, შესაბამისად, გამოიყენება საქართველოს სამოქალაქო კოდექსი.
- 10.5 ხელშეკრულებით გათვალისწინებული ვალდებულების შეუსრულებლობის შემთხვევაში, დამრღვევ მხარეს ეკისრება პირგასამტეხლო, სახელშეკრულებო ღირებულების 10%-ის ოდენობით.
- 10.6 „შემსყიდველი“ უფლებამოსილია შესყიდვის ობიექტის მიწოდების ვადის გადაცილების შემთხვევაში, დააკისროს „მიმწოდებელს“ საურავი, ყოველ გადაგადაცილებულ დღეზე - დროულად მიუწოდებელი შესყიდვის ობიექტის ღირებულების 0,2 (ნული მთელი ორი მეათედი) პროცენტის ოდენობით, მაგრამ არანაკლებ 10 (ათი) ლარისა.
- 10.7 შემსყიდველი იტოვებს უფლებას, ხელშეკრულების პირობების დარღვევის შემთხვევაში, ხელშეკრულების საერთო ღირებულებიდან განახორციელოს იმ დროისთვის არსებული პირგასამტეხლოს თანხის დაკავება და გადარიცხვა შესაბამის ანგარიშზე, ეტაპობრივად ანგარიშსწორების შემთხვევაში, პირგასამტეხლოს დაკავება განხორციელდება შესაბამის ეტაპზე გადასახდელი თანხიდან.
- 10.8 10.7 მუხლის გამოყენებლობა შემსყიდველს არ ართმევს უფლებას მოითხოვოს მიმწოდებლისგან პირგასამტეხლოს გადახდა.

11. ხელშეკრულების პირობების გადასინჯვის შესაძლებლობა

- 11.1 ხელშეკრულების პირობებში ცვლილება ხორციელდება ორივე მხარის მიერ ხელმოწერილი წერილობითი შეთანხმების სახით და წარმოადგენს ხელშეკრულების განუყოფელ ნაწილს.
- 11.2 ხელშეკრულებაში ცვლილებების შეტანის აუცილებლობისას, ის მხარე, რომელსაც სურს ცვლილების შეტანა, ვალდებულია, წერილობით შეატყობინოს მეორე მხარეს ამის თაობაზე.
- 11.3 ხელშეკრულების თითოეული მხარე უფლებამოსილია არ დაეთანხმოს შეთავაზებულ წინადადებას ცვლილების შესახებ.
- 11.4 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში, მხარეები წააწყდებიან ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება ხელშემშლელ გარემოებებზე, მისი გამომწვევი მიზეზების და შესაძლო ხანგრძლივობის შესახებ. შეტყობინების მიმღებმა მხარემ ასევე დაუყოვნებლივ უნდა აცნობოს მეორე მხარეს თავისი გადაწყვეტილების შესახებ.

12.2 იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს შეთანხმების სახით, ხელშეკრულების 11.1 პუნქტის შესაბამისად.

12.3 „შემსყიდველს“ შეუძლია შეწყვიტოს ხელშეკრულება ან მოითხოვოს ვალდებულების ნაწილობრივ შესრულება:

ა) თუ „მიმწოდებელს“ ხელშეკრულებით ან შეთანხმებით გათვალისწინებულ ვადებში არ შეუძლია მიაწოდოს შესყიდვის ობიექტი;

ბ) თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება.

12.4 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

12.5 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

გ) თუ „შემსყიდველისათვის“ ცნობილი გახდა, რომ დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) „მიმწოდებლის“ გაკოტრების შემთხვევაში;

ე) თუ მისთვის ცნობილი გახდება, რომ „მიმწოდებლის“ საკვალიფიკაციო მონაცემების დამადასტურებელი დოკუმენტები ყალბია;

ვ) საქართველოს კანონმდებლობით გათვალისწინებულ სხვა შემთხვევებში.

12.6 12.3 ქვეპუნქტში მითითებულ შემთხვევებში „შემსყიდველი“ ვალდებულია აღწახადაროს „მიმწოდებელს“ ფაქტიურად მიღებული შესყიდვის ობიექტის ღირებულება.

13. ფორს-მაჟორი

13.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და სამართი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, გარემოებათა დასრულების შემდეგ.

13.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13.3 მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

14. დავები და მათი გადაწყვეტის წესი

14.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2 შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

15. სხვა პირობები

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2 მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4 წინამდებარე ხელშეკრულების ნებისმიერი ცვლილება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე.

15.6 მხარეები ვალდებული არიან, რეკვიზიტების ცვლილების თაობაზე, მეორე მხარეს აცნობონ წერილობით.

15.7 ნებისმიერი ოფიციალური ურთიერთობა, ხელშეკრულების დამდებ მხარეებს შორის, უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით, დასაშვებია კომუნიკაციის თანამედროვე საშუალებების გამოყენება იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ, ან ხელშეკრულებაში მითითებულ მისამართზე, საფოსტო გზავნილის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე, იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16. მხარეთა იურიდიული მისამართები და რეკვიზიტები

„შემსყიდველი“

თბილისის სახელმწიფო სამედიცინო
უნივერსიტეტი
ქ.თბილისი, ვაჟა ფშაველას გამზ. №33
საიდენტიფიკაციო ნომერი 211328703
სახელმწიფო ხაზინა, კოდი TRESGE22
ა/ა 708 987 519

„მიმწოდებელი“

ი/მ ივანე მკერვალიშვილი
ქ. თბილისი, გლდანი-ნაძალადევის რაიონი,
საჭილაოს ქ. N51
საიდენტიფიკაციო ნომერი 01020002406
სს „საქართველოს ბანკი“, კოდი BAGAGE22
ა/ა GE55 BG00 0000 0904 412 300

თსსუ-ს კანცლერი
ზურაბ ორჯონიკიძე

ი/მ ივანე მკერვალიშვილი



N	დასახელება	მწარმოებელი ქვეყანა	მწარმოებელი	ზუსტი მახასიათებლები	განზომილება	სტრუქტურული ერთეულის მისამართები და რაოდენობები					სულ რაოდენობა	ერთეულის ფასი	სულ ფასი
						მის: ვაჟა ფშაველას გამზ. N33	მის: დ. აღმაშენებლის გამზ. N126	მის: პ. სარაჯიშვილის ქ. N36	მის: ლუბლიანას ქ. N21	მის: გუდამაყრის ქ. N4			
1	„პებლები“	ჩინეთი	made	მეტალის თაბაშირ მუყაროსთვის	ცალი					200	200	0.15	30
2	საღებავი	თურქეთი	betec	წყალ-ემულსიის საღებავი - ანტიბაქტერიული (ეტიკეტზე დატანილია აღნიშნული ინფორმაცია), ინტერიერის საღებავი, ექვემდებარება სადეზინფექციო ხსნარებით წმენდას და რეცხვას, ინარჩუნებს ფერს. ფერები: შემსყიდველთან შეთანხმებით	კმ				100		100	12	1200
3	გიფსოკარდონი	საქართველო	knauf	ნესტგამძლე	მ2	180					180	5.6	1008
4	გიფსოკარდონი პროფილი	საქართველო	nova	CD-120გ.	ცალი	120					120	4	480
5	გიფსოკარდონი პროფილი	საქართველო	nova	UD-60 გ	ცალი	60					60	3.5	210

6	გეფსოვარდონის სამგერი	საქართველო	nova	საკიდები 100ც შეფუთვა	ცალი	100						100	36	3600
7	დამცავი კუთხოვანა	საქართველო	nova	(2x2) სმ	ცალი					90		90	1.5	135
8	დუბელ ლურსმანი	ჩინეთი	omex	6 სმ	ცალი	130						130	0.1	13
9	დუბელ- ლურსმანი	ჩინეთი	omex	დიამეტრი 6მმ	ცალი					1000		1000	0.2	200
10	თაბაშირ მუყაოს ფილა	საქართველო	knauf	ზომა: 2500*1200*12.5მმ;	ცალი					30		30	14	420
11	თაბაშირ მუყაოს ფილა	საქართველო	knauf	ზომა: 2500*1200*12.5მმ; ნესტგამძლე	ცალი					20		20	17	340
12	საპირფარეოს საკიდი	თურქეთი	LTB	„ავეჯის“ საკიდი თავისი ქუდით	ბალი	25						25	1.2	30
13	ლამინატი	ჩინეთი	masterp arke	ყავისფერი, სისქით 12 მმ	მ2	100						100	26	2600
14	ლინოლეუმი	უკრაინა	aleks 5	კომერციული, ტენიანობისადმი მდგრადი, ორმაგი ფუბით, ეკოლოგიურად სუფთა, უძლეველ სადეზინფექციო ხსნარებით რეცხვას, დამცავი ფენის სისქე - 0.6 მმ, ზომები სიგარე - 2მ, სიგრძე - 4 მ, სისქე - 2.4 მმ, ფერი შემსყიდველთან შეთანხმებით.	მ2				1			1	384	384

15	ლინოლიუმის წებო	ჩინეთი	kit	სამშენებლო წებო ლინოლიუმისთვის, ბეტონის ზედაპირისთვის, მალე შრობადი, მდგრადი, თხევადი, წყალგამძლე, მოსახმარად მარტივი, ეკოლოგიურად სუფთა	კგ					5		5	15	75
16	ლურსმანი	საქართველო	nova	2588	კგ	3	4					7	3	21
17	ლურსმანი	საქართველო	nova	30 მმ	კგ	3						3	3	9
18	ლურსმანი	საქართველო	nova	80 მმ	კგ	3						3	3	9
19	ლურსმანი	საქართველო	nova	100 მმ	კგ	3						3	3	9
20	ორკომპონენტი ანი წებო	თურქეთი	akfix	წებო 200მლ. შეფუთვით	ცალი	20	3			20		43	7	301
21	პენობლასტი	ჩინეთი	alzall		მ2	180						180	3.9	702
22	პლასტმასის უნივერსალური დუბელი	ჩინეთი	made	გიფსოკარდონისთვის (ლოკოვინა), სიგრძე 3 სმ	ცალი					300		300	0.15	45
23	სამღებრო ბადე	თურქეთი	modus		მეტრი					1000		1000	0.1	100

24	სამღებრო დანა	ჩინეთი	dong han		მეტალის	ცალი					10	10	4	40
25	სამშენებლო ბათქაში	თურქეთი	abs		სუფთა პირი, 25 კგ-იანი შეფუთვა	შეკვრა				1	25	26	13.5	351
26	სამშენებლო ქაფი	თურქეთი	akfix		850 გრამიანი	ცალი					15	15	10	150
27	სახეხი „შკურკა“	თურქეთი	modus		80-იანი	მეტრი					10	10	5	50
28	სახეხი „შკურკა“	თურქეთი	modus		120-იანი	მეტრი					10	10	5	50
29	ხილვოვანი	თურქეთი	akfix		აკვარიუმის (50% თეთრი)	ცალი					60	60	10	600
30	მინაბამბა	თურქეთი	ode		„სტეკლოვატა“	მ²					60	60	2.5	150
31	ტიხრის პერიმეტრის პროფილი	საქართველო	nova		7.0x3.0 სმ, სისქე 0,5	ცალი					35	35	5	175
32	ტიხრის პროფილი	საქართველო	nova		7.5x3.5 სმ, სისქე 0,5	ცალი					35	35	6	210
33	ქაფი	თურქეთი	akfix		კარებისთვის, სამშენებლო 300 მლ	ცალი	10	6				16	6	96

34	შპაკლი შიდა სამუშაოებისთვის (სუფთა პირი)	თურქეთი	abs	25კგ. შეფუთვით.	კგ	600						600	0.55	330
35	შპაკლი შიდა სამუშაოებისთვის (უხეში პირი)	თურქეთი	abs	25კგ. შეფუთვით.	კგ	200						200	0.5	100
36	შპატელი	თურქეთი	modus	სიგანე 10სმ	ცალი					5		5	3	15
37	შურუბი	ჩინეთი	omex	სემიჩკა, ბასრი წვერით	ყუთი					10		10	14	140
38	შურუბი	ჩინეთი	omex	თვითმჭრელი გიბსოსთვის, ბასრი წვერით	ყუთი					20		20	14	280
39	ცემენტი-მარკა 400.	საქართველო	haidelberg	50კგ. შეფუთვით.	კგ	609		500				1100	0.4	440
40	წებო	ჩინეთი	m-seal	ცივი შედუღება, რადიტორებისა და მილებისთვის („ხოლოდნაია სვარკა“) 50 გ უმაღლესი ხარისხის	ცალი	33	3	5				41	4	164
41	წებო	სომხეთი	pva	პ.ვ.ა ხის წებო	ლიტრი					25		25	8	200

42	წებო ეპოქსიდი	რუსეთი	klass			ცალი	15	2	1			18	6	108
43	წებო-ცემენტი (ყინვაგამძლე)	თურქეთი	renox		25 კგ.-იანი შეფუთვით;	ცალი	16		4		60	80	10	800
სულ (თექვსმეტიათასსამასამოცდაათი ლარი და 00 თეთრი)													16370	

თსსუ-ს კანცლერი
ზურაბ ორჯონიკიძე

ი/მ ივანე მკერვალიშვილი


